

Na osnovu člana 13. stav (2) Zakona o igrama na sreću Brčko distrikta Bosne i Hercegovine („Službeni glasnik Brčko distrikta Bosne i Hercegovine“, broj: 6/22 i 24/22) i člana 12. stav (1) tačka c) Zakona o Direkciji za finansije Brčko distrikta Bosne i Hercegovine („Službeni glasnik Brčko distrikta Bosne i Hercegovine“, broj: 19/07, 35/17, 3/19 i 34/19), uz prethodnu saglasnost Vlade Brčko distrikta Bosne i Hercegovine, broj predmeta: 02-000207/22, broj akta: 01.11-0377MB-002/22 od 21. 9. 2022. godine, direktor Direkcije za finansije Brčko distrikta Bosne i Hercegovine d o n o s i

**PRAVILNIK
O PRIMJENI ZAKONA O IGRAMA NA SREĆU BRČKO DISTRIKTA
BOSNE I HERCEGOVINE**

DIO PRVI – OPĆE ODREDBE

**Član 1.
(Predmet)**

Pravilnikom o primjeni Zakona o igrama na sreću Brčko distrikta Bosne i Hercegovine (u daljnjem tekstu: Pravilnik) uređuje se katalog igara na sreću, certificiranje i tehnički pregled uređaja i opreme, obrasci za vođenje evidencija o uplatama, te prostorni, tehnički i drugi uvjeti za priređivanje:

- a) igara na sreću u kasinu (u daljnjem tekstu: igre u kasinu),
- b) igara na sreću kladenja (u daljnjem tekstu: kladenje),
- c) igara na sreću na automatima (u daljnjem tekstu: igre na automatima),
- d) elektronskih igara na sreću (u daljnjem tekstu: elektronske igre),
- e) igara na sreću putem interneta (u daljnjem tekstu: internet igre),
- f) tombole binga u zatvorenom prostoru (u daljnjem tekstu: tombola bingo),
- g) igre bez ostvarivanja dobitka u novcu, i to:
 - 1) nagradne igre,
 - 2) zabavne igre.

**Član 2.
(Definicije)**

Pojedini pojmovi koji se koriste u Pravilniku imaju sljedeće značenje:

- a) „blagajnik u kasinu“ je zaposlenik koji radi sve blagajničke poslove prema uputstvu i organizaciji glavnog blagajnika,
- b) „glavni blagajnik u kasinu“ je zaposlenik koji organizuje čuvanje i protok gotovine, negotovinskih sredstva, žetona i vrijednosnica u kasinu, raspoređuje i kontrolira gotovinu na pomoćnim blagajnama unutar kasina, te u ime priređivača za potrebe kasina polaže i podiže gotovinu u bankama,
- c) „inspektor stola u kasinu“ je zaposlenik koji nadzire zaposlenike koji neposredno vode igre ili sudjeluju u priređivanju igara u kasinu,
- d) „krupije u kasinu“ je zaposlenik koji neposredno vodi igre ili sudjeluje u priređivanju igara u kasinu,
- e) „oprema za priređivanje igara na sreću“ (u daljnjem tekstu: oprema) je kombinacija sistema servera, hardvera i softvera pomoću kojih se priređuju igre na sreću, zajedno sa svim pridruženim uređajima, sistemima, odnosno pomoćnim tehnologijama koje su neophodne za priređivanje igara na sreću a nalazi se na teritoriji Brčko distrikta Bosne i Hercegovine (u daljnjem tekstu: Distrikt),
- f) „uređaj za priređivanje igara na sreću“ (u daljnjem tekstu: uređaj) je mehanički, elektronski ili sličan uređaj na kojem igrač uplatom određenog iznosa žetona, kovanica ili neposrednom uplatom na blagajni odnosno automatu za igre na sreću (u daljnjem tekstu: automat) i elektronskom uplatom ima mogućnost dobitka.

DIO DRUGI – IGRE NA SREĆU

POGLAVLJE I. ZAJEDNIČKE ODREDBE

**Član 3.
(Centralni računarski sistem priređivača)**

- (1) Priređivač igara na sreću (u daljnjem tekstu: priređivač) dužan je posjedovati odgovarajući centralni računarski sistem koji osigurava pohranjivanje podataka o svim elementima priređivanja igara na sreću.
- (2) Priređivač u svakom kasinu, automat klubu, kladionici, prostoru za priređivanje tombole binga, ugostiteljskom objektu, odnosno benzinskoj pumpi gdje ima postavljen samoposlužni terminal za igre na

sreću (u daljnjem tekstu: samoposlužni terminal), dužan je osigurati tehničke preduvjete za nesmetano prikupljanje i kontrolu svih podataka iz uređaja i opreme, u realnom vremenu.

- (3) Priređivač je dužan osigurati zaštitu plombiranog mehanizma i naljepnice za označavanje uređaja.
- (4) Uređaj i oprema koji se u skladu sa Zakonom o igrama na sreću Brčko distrikta Bosne i Hercegovine (u daljnjem tekstu: Zakon) i Pravilnikom povezuje na centralni računarski sistem priređivača, moraju imati mogućnost da budu povezani sa informacionim sistemom Direkcije za finansije Brčko distrikta Bosne i Hercegovine, Porezna uprava (u daljnjem tekstu: Porezna uprava).

**Član 4.
(Porez na dobitak)**

- (1) Priređivač igara u kasinu i poslovnica entitetske lutrije dužni su obračunati, prijaviti i uplatiti porez na dobitak od igara na sreću u skladu s članom 106, članom 107. i članom 108. Zakona.
- (2) Porez na dobitak iz stava (1) ovog člana prijavljuje se obrascu – MPD mjesečna porezna prijava poreza na dobitke od igara na sreću koji je sastavni dio Pravilnika (ANEKS I).
- (3) Obrazac iz stava (2) ovog člana (ANEKS I) sadrži:
 - a) JIB, naziv i sjedište priređivača,
 - b) poslovnu jedinicu priređivača,
 - c) kontakt-podatke,
 - d) vrstu porezne prijave i mjesečni period za koji se podnosi,
 - e) ime, prezime i JMB poreznog obveznika – dobitnika,
 - f) iznos dobitka, stopu i iznos poreza,
 - g) iznos isplate,
 - h) izjavu i ovjeru priređivača,
 - i) ovjeru Porezne uprave.
- (4) Priređivač igara u kasinu i poslovnica entitetske lutrije dužni su do 31. 3. tekuće godine za prethodnu godinu Poreznoj upravi podnijeti godišnju poreznu prijavu poreza na dobitke od igara na sreću, koja se izrađuje na obrascu – GPD koji je sastavni dio Pravilnika (ANEKS II).
- (5) Obrazac iz stava (4) ovog člana (ANEKS II) sadrži:
 - a) JIB, naziv i sjedište priređivača,
 - b) kontakt-podatke,
 - c) vrstu porezne prijave i godišnji period za koji se podnosi,
 - d) iznos dobitka, stopu i iznos poreza,
 - e) iznos isplate,
 - f) izjavu i ovjeru priređivača,
 - g) ovjeru Porezne uprave.

**Član 5.
(Naknade od priređivanja igara na sreću)**

- (1) Priređivači iz člana 32, člana 42, člana 58, člana 70, člana 82, člana 89. i člana 101. Zakona, dužni su obračunati, prijaviti i uplatiti naknadu za priređivanje od igara na sreću, u skladu sa Zakonom.
- (2) Naknada iz stava (1) ovog člana prijavljuje se Poreznoj upravi na obrascu – MPN mjesečna porezna prijava naknada od priređivanja igara na sreću, koji je sastavni dio Pravilnika (ANEKS III).
- (3) Obrazac iz stava (2) ovoga člana (ANEKS III) sadrži:
 - a) JIB, naziv i sjedište priređivača,
 - b) poslovnu jedinicu priređivača,
 - c) kontakt-podatke,
 - d) vrstu porezne prijave i mjesečni period za koji se podnosi,
 - e) vrste, odnosno način priređivanja igara na sreću,
 - f) osnovicu za obračun, stopu naknade i ukupan iznos naknade,
 - g) izjavu i ovjeru priređivača,
 - h) ovjeru Porezne uprave.
- (4) Priređivači iz stava (1) ovog člana dužni su do 31. 3. tekuće godine za prethodnu godinu Poreznoj upravi podnijeti godišnju poreznu prijavu naknada od priređivanja igara na sreću, koja se izrađuje na obrascu – GPN koji je sastavni dio Pravilnika (ANEKS IV).
- (5) Obrazac iz stava (4) ovoga člana (ANEKS IV) sadrži:
 - a) JIB, naziv i sjedište priređivača,
 - b) kontakt-podatke,
 - c) vrstu porezne prijave i godišnji period za koji se podnosi,
 - d) vrste, odnosno način priređivanja igara na sreću,
 - e) osnovicu za obračun, stopu naknade i ukupan iznos naknade,
 - f) izjavu i ovjeru priređivača,
 - g) ovjeru Porezne uprave.
- (6) Priređivači iz člana 42, člana 58, člana 70, člana 82. i člana 89. Zakona ne prijavljuje naknadu na obrascu iz stava (2) i stava (4) ovoga člana, do uspostave informacionog sistema Porezne uprave iz člana 114a. Zakona.
- (7) Priređivači iz stava (6) ovog člana naknadu iz člana 114a. Zako-

na obračunavaju i prijavljuju Poreznoj upravi na obrascu MPN-P mjesečna porezna prijava naknada od priređivanja igara na sreću – paušal, koji je sastavni dio Pravilnika (ANEKS V).

(8) Obrazac iz stava (7) ovog člana (ANEKS V) sadrži:

- a) JIB, naziv i sjedište priređivača,
- b) poslovnu jedinicu priređivača,
- c) kontakt-podatke,
- d) vrstu porezne prijave i mjesečni period za koji se podnosi,
- e) vrste, odnosno način priređivanja igara na sreću,
- f) naknade po vrsti igre i ukupan iznos naknade,
- g) izjavu i ovjeru priređivača,
- h) ovjeru Porezne uprave.

Član 6.

(Naljepnica za označavanje uređaja)

- (1) Ovlašteno službeno lice Porezne uprave određuje vidno mjesto na uređaju koje se označava naljepnicom. (2) Naljepnica je pravougaonog oblika, veličine 160 mm x 80 mm, sa podacima štampanim u crnoj boji, a izrađuje se od samoljepljivog materijala u svijetlo plavoj boji i utisnutim tamnoplavim linijama, na način da je zaštićena od oštećenja.
- (3) Naljepnica sadrži:
 - a) naziv Porezne uprave,
 - b) utisnut grb Bosne i Hercegovine,
 - c) slovnu oznaku serije kao i serijski broj,
 - d) podatke propisane Zakonom, za svaku vrstu igre posebno,
 - e) pečat Porezne uprave.
- (4) Izgled naljepnice za označavanje uređaja izrađuje se na obrascu koji je sastavni dio Pravilnika (ANEKS VI).

Član 7.

(Katalog igara na sreću)

- (1) Katalogom igara na sreću uređuju se igre na sreću koje se priređuju na teritoriji Distrikta, u skladu s članom 19. stav (2) Zakona.
- (2) Igre na sreću u kasinu obuhvataju:
 - a) Blackjack,
 - b) Američki rulet,
 - c) Francuski rulet,
 - d) Baccarat (Chemin de fer),
 - e) Craps,
 - f) Draw poker,
 - g) Texas Holdem poker,
 - h) Ultimate Texas Holdem,
 - i) Caribbean karo poker,
 - j) Kasino sud poker,
 - k) Caribbean 7 stid poker,
 - l) Omaha poker,
 - m) Three cards poker,
- n) Let it ride poker,
- o) Sic Bo,
- r) Money wheel,
- s) Punto Banco.
- (3) Pored kladenja iz člana 51. Zakona, u ostale stvarne neizvesne događaje spadaju kladenja na rezultate stvarnih filmskih takmičenja, stvarnih šahovskih takmičenja i stvarnih takmičenja izbora za mis odnosno mistera.
- (4) Pod stvarnim događajem iz stava (3) ovog člana podrazumijeva se događaj koji se odvija u realnom vremenu i događaj na koji igrač kao niti priređivač kladenja nemaju direktan niti indirektni uticaj, a organizacija i način objavljivanja rezultata s tih događaja uređeni su propisima kojima se uređuje organizacija takvih stvarnih događaja.
- (5) Pod stvarnim događajem iz stava (3) ovog člana ne podrazumijeva se događaj koji se već desio.
- (6) Igre na automatu su igre koje su instalirane u automatu i za koji priređivač posjeduje certifikat i potvrdu o obavljenom tehničkom pregledu.
- (7) Automat može sadržavati samo one igre koje su opisane u uputstvu za upotrebu automata.
- (8) Elektronske igre propisane članom 75. Zakona obuhvataju igre koje se priređuju putem terminala za igru kod kojih se izvlačenje, odnosno organizovanje igre obavlja putem generatora slučajnih brojeva (RNG), gdje se rezultat prenosi elektronski, a fond dobitaka nije unaprijed određen.

Član 8.

(Utvrdjivanje uslova za izdavanje odobrenja priređivaču)

- (1) Inspektor Sektora eksterne kontrole u Poreznoj upravi (u daljn-

jem tekstu: inspektor) sačinjava zapisnik o činjeničnom stanju utvrđenom na licu mjesta kod priređivača koji je podnio zahtjev za dobijanje odobrenja iz člana 21. i člana 97. Zakona, odnosno koji je podnio zahtjev za produženje odobrenja iz člana 22. Zakona.

- (2) Inspektor sačinjava zapisnik o činjeničnom stanju utvrđenom na licu mjesta kod podružnice entitetske lutrije koja je podnijela zahtjev za dobijanje odobrenja iz člana 29. Zakona, odnosno koja je podnijela zahtjev za produženje odobrenja iz člana 30. Zakona.
- (3) U slučaju preseljenja na novu lokaciju iz člana 25. Zakona, inspektor sačinjava zapisnik o činjeničnom stanju utvrđenom na licu mjesta kod priređivača odnosno podružnice entitetske lutrije.

POGLAVLJE II. CERTIFICIRANJE UREĐAJA I OPREME

Član 9.

(Ovlaštenje za obavljanje certificiranja)

- (1) Certificiranje uređaja i opreme, odnosno sistema za priređivanje igara na sreću obavlja i certifikat izdaje laboratorija koja ima ovlaštenje za finansije Direkcije za finansije Brčko distrikta Bosne i Hercegovine (u daljnjem tekstu: laboratorija).
- (2) Za dobijanje ovlaštenja za obavljanje certificiranja, laboratorija podnosi zahtjev Direkciji za finansije Brčko distrikta Bosne i Hercegovine (u daljnjem tekstu: Direkcija).
- (3) Uz zahtjev iz stava (2) ovog člana laboratorija prilaže sljedeću dokumentaciju:
 - a) podatke o nazivu i sjedištu laboratorije,
 - b) certifikat o akreditaciji prema normi EN ISO/IEC 17025, izdat od akreditacionog tijela koje je potpisnik Međunarodnog sporazuma o međusobnom priznavanju akreditacija (MRA) u okviru Međunarodne organizacije za akreditovanje laboratorija i kontrolnih tijela (ILAC),
 - c) dokaz da najmanje jedno stalno zaposleno lice u laboratoriji posjeduje odgovarajuću potvrdu o osposobljenosti za vršenje provjere ulazaka i etičkog hakovanja (engl. ethical hacking),
 - d) dokaz da najmanje jedno stalno zaposleno lice u laboratoriji posjeduje odgovarajuću potvrdu o osposobljenosti za vršenje informatičkog nadzora (CISA, CISM i slično),
 - e) dokaz da najmanje jedno stalno zaposleno lice u laboratoriji ima završen drugi ciklus studija sa ostvarenih najmanje 240 ECTS bodova ili ekvivalent prema kojem je osposobljeno za ispitivanje matematičkih i statističkih karakteristika, softvera, elektronike i informatičkih karakteristika uređaja i opreme odnosno računarskog sistema,
 - f) listu svih proizvođača za koje obavlja certificiranje.
- (4) Dokumentacija iz stava (3) ovoga člana dostavlja se u originalu ili ovjerenoj kopiji uz koju je priložen i prijevod na jednom od službenih jezika koji su u upotrebi u Distriktu.
- (5) Laboratorija iz stava (1) ovog člana u roku od 15 dana obavještava Direkciju o bilo kojoj promjeni koja utiče na njenu osposobljenost za izdavanje certifikata.

Član 10.

(Certifikat)

- (1) Certifikatom se potvrđuje da uređaj i oprema, odnosno sistem za priređivanje igara na sreću ispunjavaju uvjete definisane Zakonom i Pravilnikom.
- (2) Certifikat o usklađenosti za određeni tip uređaja, odnosno opreme utvrđuje se na odabranom uzorku istog proizvođača koji nose istu oznaku modela i koji su istovrsni u opremi i ugrađenom programu kao što su iste vrste igara, isti sistem dobitaka, koji se mogu provjeravati na osnovu odobrenog originalnog medija kao nosača, npr. EEPROM, EPROM, PROM, Flash ROM, tvrdi disk, CD-ROM, DVD ili sadržaja medija u elektronskom obliku, koji podrazumijeva program za igre, sliku, štampač, zvuk, terminal za dodir, aparat za primanje novčanica i sistemske postavke uređaja odnosno opreme.
- (3) Svaka promjena tehničke i funkcionalne značajke uređaja i opreme mora se certificirati.
- (4) Certifikat mora sadržavati:
 - a) naziv laboratorije,
 - b) podatke o proizvođaču uređaja i opreme,
 - c) predmet testiranja, koji uključuje sve potrebne identifikacione podatke, kao što su model, oznaka programa i njegove verzije,
 - d) oznaka hardvera,
 - e) broj certifikata,
 - f) datum izdavanja,
 - g) zaključak da je uređaj, odnosno oprema u skladu sa Zakonom i Pravilnikom.

- (5) Certifikat sadržava sve potrebne podatke za vršenje tehničkog pregleda, odnosno izvještaj o obavljenom ispitivanju (test report), uključujući i podatke o certificiranju džekpot dobitaka.
- (6) Certifikat i izvještaj iz stava (5) ovog člana priređivač posjeduje u pisanom obliku, na jednom od službenih jezika koji su u upotrebi u Distriktu.
- (7) Laboratorija je dužna Poreznoj upravi dostaviti svaki certifikat koji je izdala u skladu sa Zakonom i Pravilnikom, i to u pisanom i elektronskom obliku na jednom od službenih jezika koji su u upotrebi u Distriktu.
- (8) Porezna uprava može od laboratorije tražiti dokumente i informacije za sve certifikate koje je laboratorija izdala.
- (9) Laboratorija u roku od sedam dana od dana dostavljenog zahtjeva Porezne uprave, dostavlja dokumente i informacije tražene u skladu sa stavom (8) ovog člana.

Član 11.

(Internet sistem priređivača)

Internet sistem priređivača je sistem računara, odnosno servera na kome je instaliran softver za priređivanje igara na sreću, povezan na internet mrežu, a kojim su obuhvaćene i sve njegove pridružene komponente, operativni sistem, komunikaciona oprema i hardverski, odnosno softverski sistemi zaštite.

Član 12.

(Certificiranje opreme za internet sistem)

- (1) Softver internet sistema koji koristi priređivač obavezno je certificiran od laboratorije i sadrži izvještaj o izvršenom ispitivanju informacionih i tehničkih uslova softvera internet sistema.
- (2) Izvještaj iz stava (1) ovog člana obuhvata podatke o provedenom ispitivanju i mjerenju, te utvrđivanju funkcionalnosti karakteristika određenog tipa softvera internet sistema iz kog je vidljivo šta se provjeravalo, mjerilo i utvrđivalo.
- (3) Izvještaj iz stava (2) ovog člana sadrži slikovnu shemu funkcionisanja internet sistema i ima navedene sve igre koje se nalaze na internet sistemu priređivača.
- (4) U slučaju dodavanja novih igara na internet sistem, priređivač je dužan pribaviti certifikat i izvještaj iz stava (1) ovog člana, prije stavljanja u upotrebu.

POGLAVLJE III. TEHNIČKI PREGLED UREĐAJA I OPREME

Odjeljak A. Opće odredbe o tehničkom pregledu uređaja i opreme

Član 13.

(Ovlaštenje za obavljanje tehničkog pregleda uređaja i opreme)

- (1) Tehnički pregled uređaja i opreme (u daljnjem tekstu: tehnički pregled) obavlja i potvrdu o obavljenom tehničkom pregledu izdaje, pravno lice koje ima ovlaštenje Direkcije.
- (2) Za dobijanje ovlaštenja za obavljanje tehničkog pregleda, pravno lice podnosi zahtjev Direkciji.
- (3) Uz zahtjev iz stava (2) ovog člana pravno lice prilaže:
 - a) rješenje o registraciji kod nadležnog registarskog suda, kojim se dokazuje da je registrovan za obavljanje pretežite djelatnosti tehničko ispitivanje i analiza,
 - b) bankarsku garanciju iz člana 15. stav (12) Zakona,
 - c) dokaz o ukupnom broju i stručnoj osposobljenosti zaposlenika za obavljanje tehničkog pregleda, uz uslov da su zaposlene najmanje dvije osobe ovlaštene za obavljanje tehničkog pregleda sa VSS – stručnom spremom tehničke struke,
 - d) dokaz da je izmirio porezne obaveze 30 dana prije podnošenja zahtjeva,
 - e) dokaz o posjedovanju odgovarajuće opreme za obavljanje tehničkog pregleda,
 - f) dokaz o vlasništvu ili pravu korištenja poslovnog prostora u kojem se obavlja tehnički pregled na teritoriji Distrikta,
 - g) dokaz o vlasništvu ili pravu korištenja odgovarajućih vozila za obavljanje tehničkog pregleda na terenu,
 - h) ovjerenu izjavu kojom potvrđuje uvjete iz člana 15. stav (8) Zakona,
 - i) dokaz da osnivač odnosno menadžer i lice povezano s vlasničkom odnosno menadžerskom strukturom nisu osuđivani za krivična djela kaznom zatvora dužom od tri mjeseca, osim za krivična djela iz oblasti saobraćaja,
 - j) certifikat o akreditaciji prema normi ISO 17020,
 - k) dokaz o ispunjenosti uslova za ispitivanje električnih instalacija odnosno električne sigurnosti uređaja.

- l) ovjereni cjenovnik, usluga tehničkog pregleda i izdavanja potvrde o obavljenom tehničkom pregledu,
- m) dokaz o uplati jednokratne naknade iz člana 15. stav (4) Zakona.

Član 14.

(Obavljanje tehničkog pregleda)

- (1) Uređaj i oprema za priređivanje igara na sreću na teritoriji Distrikta, nakon dobijenog certifikata a prije puštanja u upotrebu, podliježu tehničkom pregledu.
- (2) Pravno lice ovlašteno za obavljanje tehničkog pregleda iz člana 15. Zakona (u daljnjem tekstu: pravno lice za obavljanje tehničkog pregleda) mora osigurati neovisnost i objektivnost u poslovanju, čuvati poslovnu tajnu i snositi odgovornost za obavljeni posao.
- (3) Tehnički pregled se obavlja:
 - a) prije prvog stavljanja u upotrebu,
 - b) kod dobijanja rješenja kojim se priređivaču odobrava, odnosno produžava priređivanje igara na sreću,
 - c) redovnim godišnjim pregledom,
 - d) vanredno na zahtjev Porezne uprave,
 - e) vanredno na zahtjev priređivača,
 - f) nakon zamjene nekog od dijelova koji zahtjeva skidanje plombe,
 - g) nakon nadogradnje ili zamjene softvera.
- (4) Pravno lice za obavljanje tehničkog pregleda dužno je u roku ne dužem od 30 dana od dana prijema zahtjeva priređivača odnosno Porezne uprave, obaviti tehnički pregled.
- (5) Pravno lice za obavljanje tehničkog pregleda obavezno je zapisnik o obavljenom tehničkom pregledu i izdatoj potvrdi o obavljenom tehničkom pregledu dostaviti Poreznoj upravi u roku od sedam dana od dana kada je obavljen tehnički pregled.
- (6) Tehnički pregled obavlja se u sjedištu, odnosno poslovnoj jedinici priređivača, a po potrebi i u poslovnom prostoru pravnog lica za obavljanje tehničkog pregleda.

Član 15.

(Evidencije o obavljenom tehničkom pregledu)

- (1) Pravno lice za obavljanje tehničkog pregleda vodi evidenciju u pisanoj i elektronskoj formi za:
 - a) zapisnik o obavljenom tehničkom pregledu,
 - b) potvrdu o obavljenom tehničkom pregledu.
- (2) Evidencija iz stava (1) tačke a) ovog člana sadrži:
 - a) redni broj,
 - b) datum podnošenja zahtjeva za tehnički pregled,
 - c) naziv, sjedište i JIB podnosioca zahtjeva,
 - d) poslovnu jedinicu podnosioca zahtjeva,
 - e) podatke o uređaju i opremi:
 - 1) proizvođač,
 - 2) tip proizvoda,
 - 3) godina proizvodnje.
 - f) datum tehničkog pregleda,
 - g) rezultat tehničkog pregleda koji može biti ispravan odnosno nije ispravan,
 - h) oznaku zapisnika o tehničkom pregledu.
- (3) Evidencija iz stava (1) tačke b) ovog člana sadrži:
 - a) redni broj,
 - b) naziv, sjedišta i JIB podnosioca zahtjeva,
 - c) poslovnu jedinicu podnosioca zahtjeva,
 - d) datum obavljenog tehničkog pregleda,
 - e) datum izdavanja potvrde o obavljenom tehničkom pregledu,
 - f) oznaku potvrde o obavljenom tehničkom pregledu.

Član 16.

(Plomba za tehnički pregled)

Pravno lice za obavljanje tehničkog pregleda plombom označava mjesta koja su pregledana.

Odjeljak B. Tehnički pregled za priređivanje igara u kasinu

Član 17.

(Obavljanje tehničkog pregleda za priređivanje igara u kasinu)

- (1) Pravnom licu za obavljanje tehničkog pregleda priređivač igara u kasinu podnosi zahtjev za obavljanje tehničkog pregleda.
- (2) Tehničkim pregledom utvrđuje se ispravnost uređaja i opreme za igre u kasinu i podrazumijeva ispitivanje:
 - a) usaglašenosti uređaja sa izdatim certifikatom,
 - b) usaglašenosti uređaja i opreme sa tehničkom dokumentacijom priređivača,

- c) sigurnosti drop box-a i flot-a,
 - d) usaglašenosti stolova sa vrstom igre koja se na njima priređuje,
 - e) usaglašenosti žetona sa pravilima igre,
 - f) sigurnosti rada i funkcioniranja uređaja.
- (3) Ukoliko se u kasinu priređuju i igre na automatima, tehnički pregled automata obavlja se u skladu sa odredbama dijela dva, poglavlja III, odjeljka D Pravilnika.

Član 18.

(Zapisnik o obavljenom tehničkom pregledu za priređivanje igara u kasinu)

- (1) Zapisnik o obavljenom tehničkom pregledu za priređivanje igara u kasinu obuhvata podatke o provedenom ispitivanju iz člana 17. Pravilnika.
- (2) Zapisnik iz stava (1) ovog člana izrađuje se u najmanje tri primjerka, s tim da se jedan primjerak ostavlja kod pravnog lica za obavljanje tehničkog pregleda, a po jedan primjerak se dostavlja priređivaču u Poreznoj upravi u pisanom i elektronskom obliku.

Član 19.

(Potvrda o obavljenom tehničkom pregledu za priređivanje igara u kasinu)

- (1) Na osnovu podataka dobijenih tehničkim pregledom i sačinjenog zapisnika iz člana 18. Pravilnika, pravno lice za obavljanje tehničkog pregleda izdaje priređivaču potvrdu o obavljenom tehničkom pregledu za priređivanje igara u kasinu.
- (2) Potvrda iz stava (1) ovog člana sadrži:
 - a) broj i datum zahtjeva za obavljanje tehničkog pregleda u kasinu,
 - b) naziv, sjedište i JIB priređivača,
 - c) poslovnu jedinicu priređivača,
 - d) podatke o uređaju i opremi u kasinu,
 - e) datum i mjesto tehničkog pregleda,
 - f) tehničke karakteristike uređaja i opreme,
 - g) dokumentaciju stavljenu na uvid prilikom tehničkog pregleda,
 - h) uređaje i opremu korištenu prilikom tehničkog pregleda,
 - i) pregled izvršenih radnji,
 - j) broj mjesta označenih za plombiranje,
 - k) podatke o prethodnom tehničkom pregledu,
 - l) vrstu tehničkog pregleda,
 - m) rezultat tehničkog pregleda,
 - n) izjavu o usklađenosti u skladu s propisima,
 - o) period važenja,
 - p) potpis ovlaštenih lica.

Odjeljak C. Tehnički pregled za priređivanje klađenja

Član 20.

(Obavljanje tehničkog pregleda za priređivanje klađenja)

- (1) Pravnom licu za obavljanje tehničkog pregleda priređivač klađenja podnosi zahtjev za obavljanje tehničkog pregleda.
- (2) Tehničkim pregledom utvrđuje se ispravnost uređaja i opreme za priređivanje klađenja i podrazumijeva ispitivanje:
 - a) usaglašenosti uređaja sa izdatim certifikatom,
 - b) usaglašenosti uređaja i opreme sa tehničkom dokumentacijom priređivača,
 - c) sigurnosti rada i funkcioniranja sistema,
 - d) verzije softvera sistema kao što su MD 5, SHA-1, checksum ili slični alati,
 - e) terminala na uplatnom, odnosno isplatnom mjestu sa centralnim računarskim sistemom priređivača,
- (3) Tehnički pregled samoposlužnog terminala podrazumijeva provjeru:
 - a) usaglašenosti uređaja sa izdatim certifikatom,
 - b) usaglašenosti uređaja i opreme sa tehničkom dokumentacijom priređivača,
 - c) sigurnosti rada i funkcioniranje uređaja za uključivanje i isključivanje iz pogona samoposlužnog terminala,
 - d) ispravnosti kontrolnog uređaja i uređaja za upravljanje i igranje,
 - e) električne i elektronske sigurnosti samoposlužnog terminala.

Član 21.

(Zapisnik o obavljenom tehničkom pregledu za priređivanje klađenja)

- (1) Zapisnik o obavljenom tehničkom pregledu za priređivanje klađenja obuhvata podatke o provedenom ispitivanju iz člana 20. Pravilnika.

- (2) Zapisnik iz stava (1) ovog člana izrađuje se u najmanje tri primjerka, s tim da se jedan primjerak ostavlja kod pravnog lica za obavljanje tehničkog pregleda, a po jedan primjerak se dostavlja priređivaču u Poreznoj upravi u pisanom i elektronskom obliku.

Član 22.

(Potvrda o obavljenom tehničkom pregledu za priređivanje klađenja)

- (1) Na osnovu podataka dobijenih tehničkim pregledom i sačinjenog zapisnika iz člana 21. Pravilnika, pravno lice za obavljanje tehničkog pregleda izdaje priređivaču potvrdu o obavljenom tehničkom pregledu za priređivanje klađenja.
- (2) Potvrda iz stava (1) ovog člana sadrži:
 - a) broj i datum zahtjeva za obavljanje tehničkog pregleda u kladionici,
 - b) naziv, sjedište i JIB priređivača,
 - c) poslovnu jedinicu priređivača,
 - d) podatke o uređaju i opremi u kladionici,
 - e) datum i mjesto tehničkog pregleda,
 - f) tehničke karakteristike uređaja i opreme,
 - g) dokumentaciju stavljenu na uvid prilikom tehničkog pregleda,
 - h) uređaje i opremu korištenu prilikom tehničkog pregleda,
 - i) pregled izvršenih radnji,
 - j) podatke o izvršenoj kontroli elektromehaničkih i elektronskih brojača,
 - k) broj mjesta označenih za plombiranje,
 - l) podatke o prethodnom tehničkom pregledu,
 - m) vrstu tehničkog pregleda,
 - n) rezultat tehničkog pregleda,
 - o) izjavu o usklađenosti u skladu s propisima,
 - p) period važenja,
 - r) potpis ovlaštenih lica.

Odjeljak D. Tehnički pregled za priređivanje igara na automatima

Član 23.

(Obavljanje tehničkog pregleda za priređivanje igara na automatima)

- (1) Pravnom licu za obavljanje tehničkog pregleda, priređivač igara na automatima podnosi zahtjev za obavljanje tehničkog pregleda.
- (2) Tehničkim pregledom utvrđuje se ispravnost uređaja i opreme za priređivanje igara na automatima i podrazumijeva provjeru:
 - a) usaglašenosti automata sa izdatim certifikatom,
 - b) usaglašenosti automata sa tehničkom dokumentacijom priređivača,
 - c) sigurnosti rada i funkcionisanje uređaja za uključivanje i isključivanje iz pogona,
 - d) ispravnosti kontrolnih uređaja i uređaja za upravljanje i igranje,
 - e) verzije softvera i kontrolne sume kao što su MD 5, SHA-1, checksum ili slični alati,
 - f) električne i elektronske sigurnosti automata.

Član 24.

(Zapisnik o obavljenom tehničkom pregledu automata)

- (1) O obavljenom tehničkom pregledu automata sačinjava se zapisnik, koji sadrži:
 - a) naziv, sjedište i JIB pravnog lica koje obavlja tehnički pregled,
 - b) mjesto i datum obavljanja tehničkog pregleda,
 - c) naziv, sjedište i JIB priređivača,
 - d) podatke o proizvođaču, vrsti i tipu, godini proizvodnje, inventurni broj, fabrički i serijski broj automata,
 - e) tehničke karakteristike automata sa oznakama svih neovisnih funkcijskih sklopova, popis medija za čuvanje podataka kao što su EEPROM, EPROM, PROM, Flash ROM, tvrdi disk, CD-ROM, DVD, s programskom opremom za igranje, sliku, zvuk, štampač, monitor osjetljiv na dodir, aparat za primanje novčanica i sistemске postavke, te podatke za identifikaciju navedene ugrađene programske opreme kao što je proizvođačeva oznaka programske opreme, verzije i serijski brojevi,
 - f) podatke o certifikatu za određeni tip automata,
 - g) podatke o tehničkoj dokumentaciji koja je korištena pri obavljanju tehničkog pregleda,
 - h) podatke o uređaju i opremi korištenoj pri obavljanju tehničkog pregleda kao što je alat korišten za provjeru ispitnih brojeva – checksum, MD 5, SHA-1 ili slično,
 - i) popis izvršenih radnji po redoslijedu obavljanja i dobijene podatke,
 - j) dokumentaciju o izvršenoj provjeri ispravnosti rada elektronskog i kontrolnog elektromehaničkog brojačnika, te zapis o konačnom stanju svih brojačnika nakon provjere,

- k) pregled sistema džekpot dobitaka,
 l) broj mjesta označenih za plombiranje na pojedinom automatu,
 m) oznake izvještaja o prethodnom tehničkom pregledu automata, ako su bili obavljani.
 (2) Zapisnik o tehničkom pregledu potpisuje ovlašteno lice koje je obavilo tehnički pregled automata.
 (3) Zapisnik iz stava (1) ovog člana izrađuje se u najmanje tri primjerka, s tim da se jedan primjerak ostavlja kod pravnog lica za obavljanje tehničkog pregleda, a po jedan primjerak se dostavlja priređivaču i Poreznoj upravi u pisanoj i elektronskoj obliku.

Član 25.

(Potvrda o obavljenom tehničkom pregledu za priređivanje igara na automatima)

- (1) Na osnovu podataka dobijenih tehničkim pregledom i sačinjenog zapisnika iz člana 24. Pravilnika, pravno lice za obavljanje tehničkog pregleda izdaje priređivaču potvrdu o obavljenom tehničkom pregledu za priređivanje igara na automatima.
 (2) Potvrda iz stava (1) ovoga člana sadrži:
 a) broj i datum zahtjeva za obavljanje tehničkog pregleda u automat klubu,
 b) naziv, sjedište i JIB priređivača,
 c) poslovnu jedinicu priređivača,
 d) podatke o uređaju i opremi u automat klubu,
 e) datum i mjesto tehničkog pregleda,
 f) tehničke karakteristike uređaja i opreme,
 g) dokumentaciju stavljenu na uvid prilikom tehničkog pregleda,
 h) uređaje i opremu korištenu prilikom tehničkog pregleda,
 i) pregled izvršenih radnji,
 j) podatke o izvršenoj kontroli elektromehaničkih i elektronskih brojača, koji obuhvataju:
 1) pregled brojanika kao što je total in - total out, total bet - total win,
 2) uplate u novčanicama, u kovanicama i žetonima, u listićima i na drugi način kao što je ključem ili daljinski,
 3) isplate u kovanicama i žetonima, u blagajničkim isplatama i u listićima,
 4) obračunski model kod elektromehaničkog i elektronskog brojača,
 k) broj mjesta označenih za plombiranje,
 l) podatke o prethodnom tehničkom pregledu,
 m) vrstu tehničkog pregleda,
 n) rezultat tehničkog pregleda,
 o) izjavu o usklađenosti u skladu s propisima,
 p) period važenja,
 r) potpis ovlaštenih lica.

Član 26. (Automat)

- (1) Automat sadrži samo one igre koje su opisane u uputstvu za upotrebu.
 (2) Programska ploča automata koju ugrađuje proizvođač mora omogućiti samo ono što je opisano u uputstvu za upotrebu te ono što je sadržano u tehničkom opisu igre.
 (3) Rezultat igre na automatu mora ovisiti isključivo o budućem neizvjesnom događaju koji nije mogao biti unaprijed poznat niti se mogao unaprijed predviđeti.
 (4) Automat mora imati osiguranu zaštitu svih sklopova koje provode program, generiraju slučajne brojeve i nadziru igru, uključujući i sve nosioce podataka i programske kodove.
 (5) Pristup sklopovima iz stava (4) ovog člana dozvoljen je samo ovlaštenom licu Porezne uprave i pravnom licu za obavljanje tehničkog pregleda, a u slučaju servisnih radova, dozvoljen je i priređivaču uz prisustvo pravnog lica za obavljanje tehničkog pregleda.
 (6) Svaki pristup iz stava (5) ovog člana mora biti upisan u servisnu knjigu automata kao i u zapisnik pravnog lica za obavljanje tehničkog pregleda.
 (7) Automat mora biti tako konstruiran da zbog prekida električnog napajanja ne dođe do brisanja i gubitka podataka koji su pohranjeni u memoriji, a odnosi se na pojedine igre kao što su uplate, bonusi, faze igre, te stanja propisanih elektromehaničkih i elektronskih brojanika na automatima.
 (8) Automat mora imati najmanje četiri kontrolna neresetna elektromehanička brojanika, od kojih:
 a) jedan bilježi ulaz prometa (IN),
 b) drugi bilježi izlaz prometa (OUT),
 c) treći bilježi ulog (BET),
 d) četvrti bilježi dobitak (WIN).
 (9) Centralni računarski sistem priređivača mora registrirati svaki

džekpot dobitak, koji se isplaćuje na blagajni u automat klubu sa priloženim listićem iz automata.

- (10) Konekcija između centralnog računarskog sistema priređivača i informacionog sistema Porezne uprave mora biti konstantna.
 (11) Kod gubitka konekcije između centralnog računarskog sistema priređivača i informacionog sistema Porezne uprave, centralni računarski sistem priređivača mora poslati poruku informacionom sistemu Porezne uprave, s podacima o identifikacionom broju automata, lokaciji i vremenu kada je gubitak konekcije nastao.
 (12) U slučaju iz stava (11) ovog člana, a nakon uspostavljanja konekcije, svi podaci moraju biti ažurirani.

Član 27.

(Generator slučajnih brojeva)

- (1) Automat mora sadržavati generator slučajnih brojeva (RNG), koji može biti mehanički, elektromehanički ili u vidu bilo kojeg drugog uređaja.
 (2) Generator slučajnih brojeva iz stava (1) ovog člana, pri podvrgavanju statističkog testiranja, koje podrazumijeva najmanje 50.000 kombinacija od broja mogućih ishoda igre, mora ispunjavati sljedeće kriterije:
 a) učestalost svakog dobijenog ishoda smije se razlikovati od očekivane učestalosti za najviše tri standardna odstupanja kao što su test frekventnosti ili test sigma 3,
 b) Hi-kvadrat test normalne raspodjele mora biti unutar propisanih granica za stopu značenja od 0,025,
 c) test serijske korelacije ishoda mora ispunjavati zahtjeve testa sigma 3 i testa Hi-kvadrat.
 (3) Za testiranje slučajnosti ishoda mogu se koristiti i druge metode, pod uslovom da ishodi tih testova osiguraju poštovanje kriterija navedenih u stavu (2) ovog člana.
 (4) Program za generiranje slučajnih brojeva koji nema mehaničkih dijelova i koji se zasniva na matematičkom algoritmu mora imati nasumično izabranu početnu vrijednost kao što je inicijalizacija.

Član 28.

(Uvezivanje automata)

Priređivač igara na automatima može priređivati igre na sreću na način da uveže automate u jednu mrežu u svrhu formiranja džekpota.

Član 29.

(Džekpot dobiti)

- (1) Sistem džekpot dobitaka mora biti certificiran.
 (2) Džekpot dobitak definira se ili kao rastući dobitak na osnovu iznosa igara na koje su stavljeni uložili ili kao jedan ili više unaprijed definiranih fiksnih iznosa dobitaka.
 (3) Automati povezani u sistem džekpot dobitaka moraju imati jednaku mogućnost za osvajanje džekpot dobitka.
 (4) Džekpot dobitci su rezultat slučajnosti – RNG.
 (5) Džekpot vrijednost mora biti u svakom trenutku vidljiva svim igračima.
 (6) Džekpot dobitci moraju imati definisane:
 a) početne vrijednosti,
 b) donju graničnu vrijednost,
 c) gornju graničnu vrijednost.

Odjeljak E. Tehnički pregled za priređivanje elektronskih igara

Član 30.

(Obavljanje tehničkog pregleda za priređivanje elektronskih igara)

- (1) Pravnom licu za obavljanje tehničkog pregleda priređivač elektronskih igara podnosi zahtjev za obavljanje tehničkog pregleda.
 (2) Tehničkim pregledom utvrđuje se ispravnost uređaja i opreme za priređivanje elektronskih igara na sreću, generatora slučajnih brojeva (RNG), terminala koji su neophodni za priređivanje elektronskih igara, i podrazumijeva ispitivanje:
 a) usaglašenosti uređaja sa izdatim certifikatom,
 b) usaglašenosti uređaja i opreme sa tehničkom dokumentacijom priređivača,
 c) sigurnosti rada i funkcioniranja sistema,
 d) hardvera odnosno softvera sistema kao što su MD 5, SHA-1, checksum ili slični alati,
 e) ispravnosti kontrolnih uređaja i uređaja za upravljanje i igranje,
 f) električne i elektronske sigurnosti.

Član 31.**(Zapisnik o objavljenom tehničkom pregledu za priređivanje elektronskih igara)**

- (1) Zapisnik o objavljenom tehničkom pregledu za priređivanje elektronskih igara obuhvata podatke o provedenom ispitivanju iz člana 30. Pravilnika.
- (2) Zapisnik iz stava (1) ovog člana izrađuje se u najmanje tri primjerka, s tim da se jedan primjerak ostavlja kod pravnog lica za obavljanje tehničkog pregleda, a po jedan primjerak se dostavlja priređivaču i Poreznoj upravi u pisanom i elektronskom obliku.

Član 32.**(Potvrda o objavljenom tehničkom za priređivanje elektronskih igara)**

- (1) Na osnovu podataka dobijenih tehničkim pregledom i sačinjenog zapisnika iz člana 31. Pravilnika, pravno lice za obavljanje tehničkog pregleda izdaje priređivaču potvrdu o objavljenom tehničkom pregledu za priređivanje elektronskih igara.
- (2) Potvrda iz stava (1) ovog člana sadrži:
 - a) broj i datum zahtjeva za obavljanje tehničkog pregleda,
 - b) naziv, sjedište i JIB priređivača,
 - c) poslovnu jedinicu priređivača,
 - d) podatke o uređaju i opremi,
 - e) datum i mjesto tehničkog pregleda,
 - f) tehničke karakteristike uređaja i opreme,
 - g) dokumentaciju stavljenu na uvid prilikom tehničkog pregleda,
 - h) uređaje i opremu korištenu prilikom tehničkog pregleda,
 - i) pregled izvršenih radnji,
 - j) podatke o izvršenoj kontroli elektromehaničkih i elektronskih brojača,
 - k) broj mjesta označenih za plombiranje,
 - l) podatke o prethodnom tehničkom pregledu,
 - m) vrstu tehničkog pregleda,
 - n) rezultat tehničkog pregleda,
 - o) izjavu o usklađenosti u skladu s propisima,
 - p) period važenja,
 - r) potpis ovlaštenih lica.

Odjeljak F. Tehnički pregled za priređivanje tombole binga

Član 33.**(Objavljenje tehničkog pregleda za priređivanje tombole binga)**

- (1) Pravnom licu za obavljanje tehničkog pregleda priređivač tombole binga podnosi zahtjev za obavljanje tehničkog pregleda.
- (2) Tehničkim pregledom utvrđuje se ispravnost uređaja i opreme za priređivanje tombole binga i podrazumijeva ispitivanje:
 - a) usaglašenosti uređaja i opreme sa tehničkom dokumentacijom podnosioca zahtjeva,
 - b) sigurnosti rada i funkcionisanja uređaja,
 - c) sistema nadzora koji prati, bilježi i arhivira tombole kartice i podatke o primljenim uplatama i isplata.

Član 34.**(Zapisnik o objavljenom tehničkom pregledu za priređivanje tombole binga)**

- (1) Zapisnik o objavljenom tehničkom pregledu za priređivanje tombole binga obuhvata podatke o provedenom ispitivanju iz člana 33. Pravilnika.
- (2) Zapisnik iz stava (1) ovog člana izrađuje se u najmanje tri primjerka, s tim da se jedan primjerak ostavlja kod pravnog lica za obavljanje tehničkog pregleda, a po jedan primjerak se dostavlja priređivaču i Poreznoj upravi u pisanom i elektronskom obliku.

Član 35.**(Potvrda o objavljenom tehničkom pregledu za priređivanje tombole binga)**

- (1) Na osnovu podataka dobijenih tehničkim pregledom i sačinjenog zapisnika iz člana 34. Pravilnika, pravno lice za obavljanje tehničkog pregleda izdaje priređivaču potvrdu o objavljenom tehničkom pregledu za priređivanje tombole binga.
- (2) Potvrda iz stava (1) ovog člana sadrži:
 - a) broj i datum zahtjeva za obavljanje tehničkog pregleda,
 - b) naziv, sjedište i JIB priređivača,

- c) poslovnu jedinicu priređivača,
- d) podatke o uređaju i opremi,
- e) datum i mjesto tehničkog pregleda,
- f) tehničke karakteristike uređaja i opreme,
- g) dokumentaciju stavljenu na uvid prilikom tehničkog pregleda,
- h) uređaje i opremu korištenu prilikom tehničkog pregleda,
- i) pregled izvršenih radnji,
- j) podatke o prethodnom tehničkom pregledu,
- k) vrstu tehničkog pregleda,
- l) rezultat tehničkog pregleda,
- m) izjavu o usklađenosti u skladu sa propisima,
- n) period važenja,
- o) potpis ovlaštenih lica.

Odjeljak G. Tehnički pregled uređaja za zabavu

Član 36.**(Objavljenje tehničkog pregled uređaja za zabavu)**

- (1) Pravnom licu za obavljanje tehničkog pregleda priređivač zabavne igre može podnijeti zahtjev za vanredno obavljanje tehničkog pregleda uređaja za zabavu.
- (2) Tehnički pregled uređaja za zabavu može se vanredno obavljati prije stavljanja uređaja u upotrebu kao i za vrijeme upotrebe, izuzev uređaja za zabavu koji za svoj rad ne koriste električnu energiju.
- (3) Tehnički pregled uređaja za zabavu obavlja se vanredno na zahtjev:
 - a) Porezne uprave,
 - b) priređivača.
- (4) Tehničkim pregledom utvrđuje se ispravnost uređaja za zabavu i podrazumijeva provjeru:
 - a) usaglašenosti uređaja sa tehničkom dokumentacijom priređivača zabavne igre,
 - b) sigurnosti rada i funkcionisanja uređaja za uključivanje i isključivanje iz pogona,
 - c) električne i elektronske sigurnosti uređaja za zabavne igre.

Član 37.**(Zapisnik o objavljenom tehničkom pregledu uređaja za zabavu)**

- (1) Zapisnik o objavljenom tehničkom pregledu uređaja za zabavu obuhvata:
 - a) pregled ispitivanja,
 - b) opis igara, odnosno uređaja.
- (2) Zapisnik iz stava (1) ovog člana izrađuje se u najmanje tri primjerka, s tim da se jedan primjerak ostavlja kod pravnog lica za obavljanje tehničkog pregleda, a po jedan primjerak se dostavlja priređivaču zabavne igre i Poreznoj upravi u pisanom i elektronskom obliku.

Član 38.**(Potvrda o objavljenom tehničkom pregledu uređaja za zabavu)**

- (1) Na osnovu podataka dobivenih tehničkim pregledom i sačinjenog zapisnika iz člana 37. Pravilnika, pravno lice za obavljanje tehničkog pregleda izdaje priređivaču zabavne igre potvrdu o objavljenom tehničkom pregledu uređaja za zabavu.
- (2) Potvrda iz stava (1) ovog člana sadrži:
 - a) broj i datum zahtjeva za obavljanje tehničkog pregleda uređaja za zabavu,
 - b) naziv, sjedište i JIB priređivača zabavne igre,
 - c) poslovnu jedinicu priređivača zabavne igre,
 - d) podatke o uređaju za zabavu,
 - e) datum i mjesto tehničkog pregleda,
 - f) tehničke karakteristike uređaja za zabavu,
 - g) dokumentaciju stavljenu na uvid prilikom tehničkog pregleda,
 - h) uređaje i opremu korištenu prilikom tehničkog pregleda,
 - i) pregled izvršenih radnji,
 - j) podatke o izvršenoj kontroli elektromehaničkih brojača,
 - k) podatke o prethodnom tehničkom pregledu,
 - l) vrstu tehničkog pregleda,
 - m) rezultat tehničkog pregleda,
 - n) izjavu o usklađenosti u skladu sa propisima,
 - o) period važenja,
 - p) potpis ovlaštenih lica.

POGLAVLJE IV. PRIREĐIVANJE IGARA U KASINU**Član 39.****(Nadzor u kasinu)**

- (1) Priređivač igara u kasinu ima neprekidni video nadzor u kasinu, a

kadar kamere obuhvata:

- a) ulaz i izlaz u kasino,
 - b) prostorije u kojima se žetoni mogu kupiti ili isplatiti kao što je blagajna ili mjenjačnica,
 - c) kod igara uživo: ruke svih igrača i djelatelja, spremnik za odlaganje žetona, cjelokupni sto da bi se u kadru mogli obuhvatiti i pojedinačno svi igrači i djelatelji, uključujući i pogled sprijeđa na mjesto odvijanja igre u svrhu jasnog praćenja rezultata svake igre,
 - d) stol za rulet radi posmatranja uloga igrača, igrače i rezultat svake igre, kao i kutiju za odlaganje žetona drop-kutiju, kutiju za napojnice, i postupak provođenja dotacije i kredita na stolu,
 - e) igranje na automatu,
 - f) postupak obračuna koji se sprovodi na stolu ili u prostoriji za obračun i kretanje gotovine, žetona, drop-kutija, kutija za napojnice, kutija za držanje žetona i posuda za drop unutar kasina i svih prostorija kroz koje prolaze neprebrojani žetoni, gotovina i finansijski instrumenti koji zamjenjuju gotovinu.
- (2) Slika na kameri i monitoru za videonadzor obavezno je u boji, s tim da snimka sadrži datum i sat snimanja koji mora biti istovjetan za svaku kameru postavljenu u kasinu.
- (3) Pristup kontrolnoj sobi u kojoj se nalazi oprema za neprekidni videonadzor kasina kao što su videomonitor, videorekorder, štampač za ispis slike s videa, videokasetu, CD disk, CD snimač ili računarski sistem za digitalni zapis slike i tona na čvrsti disk je pod posebnim režimom, i u koju mogu ulaziti samo ovlašteni radnici osiguranja, u skladu s pravilima unutrašnje kontrole priređivača igara na sreću.
- (4) Neprekidan videonadzor u kasinu obuhvata:
- a) ulaz u kasino na način da kamera pokriva vanjski i unutrašnji prostor oko ulaza u kasino,
 - b) recepciju, s tim da se prostor recepcije pokriva najmanje jednom kamerom i mikrofonom,
 - c) blagajnu i mjenjačnicu u kojoj je instalirana najmanje jedna kamera i mikrofoni za svako blagajničko, odnosno mjenjačko radno mjesto, koja nadgleda prostor transakcije, tako da se može utvrditi sadržaj transakcije, kao i jedna kamera koja nadgleda prostor ispred blagajne i mjenjačnice, kao i igrača za kojeg se izvodi transakcija,
 - d) sto za igru uživo pokriven je najmanje jednom kamerom i jednim mikrofonom, na način da kamera pokriva sliku cijelog stola da bi se u kadar mogli obuhvatiti pojedinačno igrač i djelatelj, i ruke svih igrača i djelatelja, uključujući i pogled ispred na mjesto odvijanja igre, u svrhu praćenja rezultata svake igre, a mikrofoni se smješta tako da pokriva prostor stola,
 - e) sto za rulet koji je pokriven sa najmanje dvije kamere i jednim mikrofonom, na način da se jedna kamera postavlja tako da pokriva uloge igrača, igrače, dio cilindra i rezultat svake igre, a druga kamera pokriva cijeli cilindar, kutiju za odlaganje žetona drop-kutiju, kutiju za napojnice, te postupak provođenja dotacije i kredita na stolu, dok se mikrofoni smješta tako da pokriva prostor stola,
 - f) automate na kojima su kamere postavljene tako da se svaki automat može nadgledati,
 - g) postupak obračuna, bilo da se obavlja na stolu ili u posebnoj prostoriji za obračun,
 - h) put kretanja gotovine, žetona, drop-kutije, kutije za napojnice, kutije za držanje žetona i posude za drop unutar kasina.

Član 40.

(Vođenje evidencija u kasinu)

- (1) Priređivač igara u kasinu vodi evidencije u kasinu radi tačnog, pravilnog i pravovremenog obračunavanja i plaćanja naknade.
- (2) Priređivač igara u kasinu dužan je, radi izrade dnevnog obračuna prometa od igara na sreću na stolovima u kasinu, voditi obrasce za:
 - a) početno stanje stola,
 - b) završno stanje stola,
 - c) dotaciju stola,
 - d) kredit stola,
 - e) obračun gotovine stola,
 - f) obračun napojnice stola,
 - g) dnevni obračun po pojedinom stolu,
 - h) izvještaj blagajne,
 - i) izvještaj o održanom turniru.
- (3) Ako se pored igara u kasinu namjeravaju priređivati i igre na automatu, priređivač je dužan izvršiti obračun dnevnog prometa po svakom automatu, u skladu s članom 58. Pravilnika.

Član 41.

(Početno stanje stola u kasinu)

- (1) Početno stanje stola u kasinu vodi se dnevno na početku rada

kasina.

- (2) Početno stanje stola u kasinu izrađuje se u tri primjerka na obrascu koji mora biti numerisan.
- (3) Blagajnik izdaje početnu dotaciju žetona koju krupije ili inspektor stola odnose na sto zajedno sa obrascem početnog stanja stola u kasinu.
- (4) Krupije i inspektor stola, nezavisno jedan od drugog, vrše obračun žetona na stolu i kada se usaglase o utvrđenom iznosu, popunjavaju obrazac iz stava (3) ovoga člana, koji moraju potpisati.
- (5) Krupije odnosi blagajniku obrazac iz stava (4) ovoga člana na provjeru i potpis, od kojih jedan primjerak obrasca ostaje u blagajni, drugi primjerak obrasca služi knjigovodstvu kao dokument za knjiženje, a treći primjerak obrasca krupije ubacuje kroz otvor na stolu u drop-kutiju, koja služi za prikupljanje novca.
- (6) Početno stanje stola u kasinu izrađuje se na obrascu – PS koji je sastavni dio Pravilnika (ANEKS VII).

Član 42.

(Završno stanje stola u kasinu)

- (1) Završno stanje stola u kasinu vodi se dnevno na početku rada kasina.
- (2) Završno stanje stola u kasinu izrađuje se u tri primjerka na obrascu koji mora biti numerisan.
- (3) Krupije i inspektor stola, nezavisno jedan od drugog, vrše obračun žetona na stolu i kada se usaglase o utvrđenom iznosu, popunjavaju obrazac iz stava (2) ovoga člana, koji moraju potpisati.
- (4) Višak žetona od dotacije s obrascem iz stava (3) ovoga člana krupije odnosi blagajniku na provjeru i potpis, s tim da jedan primjerak obrasca ostaje u blagajni, drugi primjerak obrasca služi knjigovodstvu kao dokument za knjiženje, a treći primjerak obrasca se vraća s manjkom žetona i stavlja u drop-kutiju.
- (5) Završno stanje stola u kasinu izrađuje se na obrascu – ZS koji je sastavni dio Pravilnika (ANEKS VIII).

Član 43.

(Dotacija stola u kasinu)

- (1) Dotacija je dopunjavanje stanja stola u kasinu sa dodatnom količinom žetona onda kada sto gubi ili kada se prodaju žetoni igraču koji ih odnosi na drugi stol ili ih na blagajni zamijeni za novac.
- (2) Dotacija stola u kasinu izrađuje se u tri primjerka na obrascu koji mora biti numerisan.
- (3) Dotaciju stola izdaje blagajnik u kasinu i potpisuje obrazac dotacije, s tim da zadržava jedan primjerak obrasca kao pokriće za izdavanje žetona radi dotacije, drugi primjerak obrasca koristi knjigovodstvo kao dokument za knjiženje, a treći primjerak obrasca sa žetonima se odnose na sto u providnom plastičnom spremniku za žetone, gdje inspektor stola i krupije javno na stolu upoređuju brojeve i iznose primljenih žetona sa obrascem dotacije.
- (4) Inspektor stola i krupije, nakon upoređivanja brojeva i iznosa primljenih žetona sa obrascem dotacije stola u kasinu, potpisuju obrazac i stavljaju ga u drop-kutiju.
- (5) Dotacija stola u kasinu izrađuje se na obrascu – DS koji je sastavni dio Pravilnika (ANEKS IX).

Član 44.

(Kredit stola u kasinu)

- (1) Kredit stola u kasinu se odobrava kada se žetoni sa stola vraćaju u blagajnu, u slučaju kada sto dobija i na stolu se nađe prevelika količina žetona.
- (2) Kredit stola u kasinu izrađuje se u tri primjerka na obrascu koji mora biti numerisan.
- (3) Krupije i inspektor stola popunjavaju obrazac kredit stola u kasinu, i to nakon provjere stanja žetona kredita, zatim ga zajedno sa žetonima odnose blagajniku na provjeru i potpis s tim da jedan primjerak obrasca krupije odnosi na sto i stavlja ga u drop-kutiju, drugi primjerak obrasca ostaje u blagajni, a treći primjerak obrasca koristi knjigovodstvo kao dokument za knjiženje.
- (4) Kredit stola u kasinu izrađuje se na obrascu – KS koji je sastavni dio Pravilnika (ANEKS X).

Član 45.

(Obračun gotovine stola u kasinu)

- (1) Obračun gotovine stola u kasinu mora biti numerisan i potpisan od krupijea, blagajnika i inspektora stola.
- (2) Obračun gotovine stola u kasinu sadrži iznos i količinu prebrojanih

novčanica prema apoenima.

- (3) Obračun gotovine stola u kasinu izrađuje se na obrascu – OG koji je sastavni dio Pravidnika (ANEKS XI).

Član 46.

(Obračun napojnice od stola u kasinu)

- (1) Obračun napojnice od stola u kasinu vodi se dnevno i to nakon zatvaranja stola.
 (2) Obračun napojnice od stola u kasinu mora biti numerisan i potpisan od krupijera, blagajnika i inspektora stola.
 (3) Obračun napojnica od stola u kasinu izrađuje se na obrascu – ON koji je sastavni dio Pravidnika (ANEKS XII).

Član 47.

(Dnevni obračun po pojedinom stolu u kasinu)

- (1) U dnevni obračun po pojedinom stolu u kasinu upisuju se rezultati dana u konvertibilnim markama za svaku pojedinu igru koja se priređuje na stolu u kasinu.
 (2) Dnevni obračun po pojedinom stolu sadrži sljedeće podatke:
 a) naziv, sjedište i JIB priređivača,
 b) poslovnu jedinicu priređivača,
 c) datum,
 d) vrstu igre,
 e) početno stanje,
 f) dotaciju,
 g) kredit,
 h) završno stanje,
 i) gotovinu,
 j) rezultat, odnosno dobitak ili gubitak,
 k) potpis lica koje je izradilo obračun.
 (3) Dnevni obračun po pojedinom stolu u kasinu izrađuje se na obrascu – DOPS koji je sastavni dio Pravidnika (ANEKS XIII).

Član 48.

(Izvjestaj blagajne u kasinu)

- (1) Izvjestaj blagajne u kasinu potpisuje blagajnik, a izrađuje se prilikom izrade dnevnog obračuna po pojedinom stolu u kasinu.
 (2) Izvjestaj blagajne u kasinu sadrži sljedeće podatke:
 a) naziv, sjedište i JIB priređivača,
 b) poslovnu jedinicu priređivača,
 c) datum izrade,
 d) žetone za početni i završni iznos po apoenima i za ukupan iznos,
 e) gotovinu na početku dana u blagajni,
 f) ukupan iznos manjka žetona.
 (3) Pod manjkom žetona podrazumijeva se nedostatak žetona na kraju dana, bilo da su izgubljeni, uništeni ili na drugi način otuđeni.
 (4) Izvjestaja blagajne u kasinu izrađuje se na obrascu – IB koji je sastavni dio Pravidnika (ANEKS XIV).

Član 49.

(Izvjestaj o održanom turniru u kasinu)

- (1) Izvjestaja o održanom turniru u kasinu služi za vođenje evidencije o održanom turniru, a izrađuje se nakon održavanja turnira.
 (2) Izvjestaj o održanom turniru u kasinu mora biti numerisan i potpisuju ga voditelj kasina, voditelj turnira i blagajnik.
 (3) Izvjestaj o održanom turniru u kasinu sadrži sljedeće podatke:
 a) naziv, sjedište i JIB priređivača,
 b) poslovnu jedinicu priređivača,
 c) vrstu i naziv turnira,
 d) datum održavanja turnira,
 e) ime i prezime sudionika turnira,
 f) pojedinačne uplate sudionika turnira,
 g) zadržani iznos od uplata sudionika turnira kao što je zadržana provizija priređivača,
 h) podatke o ponovnom kupovanju kredita u turnirskim žetonima (re-buy i add-on),
 i) ukupno uplaćenu kotizaciju sudionika na početku turnira,
 j) ukupan iznos uplata sudionika tokom turnira (re-buy),
 k) ukupan iznos uplata sudionika tokom turnira (add-on),
 l) ukupne uplate sudionika turnira,
 m) ukupan broj sudionika turnira,
 n) iznos zadržane provizije priređivača turnira,
 o) broj dobitnika,
 p) način raspodjele fonda dobitaka.
 (4) Izvjestaj o održanom turniru u kasinu izrađuje se na obrascu – IOT koji je sastavni dio pravilnika (ANEKS XV).

Član 50.

(Isplata dobitaka u kasinu)

- (1) Za svaku isplatu dobitka u kasinu priređivač izdaje potvrdu o dobitku na osnovu koje se isplaćuje dobitak igraču.
 (2) Potvrda iz stava (1) ovog člana sadrži:
 a) naziv priređivača,
 b) ime i prezime dobitnika i JMB,
 c) mjesto i vrijeme ostvarenja dobitka,
 d) iznos ostvarenog dobitka te iznos obračunatog poreza na dobitke od igara na sreću,
 e) potpis ovlaštenog lica koje isplaćuje dobitak i pečat priređivača.

Član 51.

(Isticanje posebne oznake u kasinu)

- (1) Na vidnom mjestu kod ulaza u kasinu priređivač ističe posebnu oznaku Porezne uprave koja sadrži:
 a) naziv, sjedište i JIB priređivača,
 b) poslovnu jedinicu priređivača,
 c) broj, datum i period trajanja na koji je doneseno rješenje kojim se odobrava priređivanje igara u kasinu,
 d) pečat Porezne uprave,
 e) potpis ovlaštenog lica.
 (2) Posebna oznaka za kasino je veličine A4 formata, na kojoj su podaci iz stava (1) ovoga člana štampani u crnoj boji.
 (3) Izgled posebne oznake za kasino izrađuje se na obrascu koji je sastavni dio Pravidnika (ANEKS XVI).

Član 52.

(Naljepnica za označavanje stola u kasinu)

- (1) Ovlašteno službeno lice Porezne uprave, određuje vidno mjesto na stolu u kasinu koje se označava naljepnicom.
 (2) Ako se pored igara u kasinu namjeravaju priređivati i igre na automatu, automat se označava naljepnicom.
 (3) Izgled naljepnice uređen je u članu 6. Pravidnika.
 (4) Naljepnica sadrži podatke propisane članom 45. Zakona.

POGLAVLJE V. PRIREĐIVANJE KLAĐENJA

Član 53.

(Opremljenost kladionice)

Kladionica je opremljena sa:

- a) računarskim sistemom priređivača putem kojeg se evidentiraju sve uplate i isplate iz člana 59. Zakona, a koji je u stalnoj vezi s centralnim računarskim sistemom priređivača i informacionim sistemom Porezne uprave,
 b) metalnom kasom, u koju se odlažu svi dobitni i poništeni listići koji nisu odloženi u arhivu,
 c) prostorom za objavljivanje službenih rezultata događaja iz kladioničke ponude,
 d) ponudom, koja sadrži redni broj događaja, vrstu klađenja koja se odnosi na taj događaj s odgovarajućim koeficijentom za klađenje.

Član 54.

(Uplatni listić za klađenje)

- (1) Uplatni listić za klađenje mora sadržavati sljedeće podatke:
 a) naziv, sjedište i JIB priređivača,
 b) poslovnu jedinicu priređivača,
 c) broj listića koji je hronološki numerisan,
 d) dan, mjesec, godinu i vrijeme uplate,
 e) naziv igara,
 f) iznos uplate,
 g) iznos eventualne isplate.
 (2) Uplatni listić za klađenje može se poništiti najkasnije u roku 15 minuta, od evidentiranog vremena uplate uz uslov da događaj iz klađenja nije počeo.
 (3) Poništeni listić, uz podatke iz stava (1) ovog člana, mora sadržavati:
 a) datum i vrijeme, sat i minutu poništenja listića,
 b) ukupni novčani iznos poništene uplate.
 (4) Uplatni, poništeni i dobitni listići čuvaju se na period od pet godina od dana izvršene uplate, poništenja, odnosno ostvarenog dobitaka.
 (5) U slučaju vođenja sudskog postupka, listići iz stava (4) ovog člana čuvaju se do pravosnažnosti postupka.

Član 55.**(Isticanje posebne oznake u kladionici)**

- (1) Na vidnom mjestu kod ulaza u kladionicu priređivač ističe posebnu oznaku Porezne uprave koja sadrži:
 - a) naziv, sjedište i JIB priređivača,
 - b) poslovnu jedinicu priređivača,
 - c) broj, datum i period trajanja na koji je doneseno rješenje kojim se odobrava priređivanje klađenja,
 - d) pečat Porezne uprave,
 - e) potpis ovlaštenog lica.
- (2) Posebna oznaka za kladionicu je veličine A4 formata, na kojoj su podaci iz stava (1) ovoga člana štampani u crnoj boji.
- (3) Izgled posebne oznake za kladionicu izrađuje se na obrascu koji je sastavni dio Pravilnika (ANEKS XVII).

Član 56.**(Naljepnica za označavanje samoposlužnog terminala)**

- (1) Ovlašteno službeno lice Porezne uprave određuje vidno mjesto na samoposlužnom terminalu koje se označava naljepnicom.
- (2) Ako se pored klađenja u kladionici namjeravaju priređivati igre na automatu i elektronske igre, automat odnosno terminal za te igre označava se naljepnicom.
- (3) Izgled naljepnice uređen je u članu 6. Pravilnika.
- (4) Naljepnica sadrži podatke propisane članom 61. Zakona.

POGLAVLJE VI. PRIREĐIVANJE IGARA NA AUTOMATIMA**Član 57.****(Centralni računarski sistem priređivača igara na automatima)**

- (1) Priređivač igara na automatima osigurava Poreznoj upravi nesmetan pristup centralnom računarskom sistemu u svakom trenutku i realnom vremenu, kako u svrhu nadzora tako i u svrhu uvida u svakodnevno poslovanje priređivača.
- (2) Čuvanje, registrovanje i evidentiranje podataka o primitim uplatama i izvršenim isplatama vrši se u centralnom računarskom sistemu priređivača.

Član 58.**(Dnevni obračun prometa za svaki automat)**

- (1) Dnevni obračun prometa za svaki automat pojedinačno se utvrđuje na način da se iznos svih uplata (total coin in) u žetonima, gotovom novcu ili vrijednosnim listićima, umanjuje za iznos isplaćenih dobitaka igračima (total coin out) u žetonima, gotovom novcu ili vrijednosnim listićima, a razlika predstavlja dnevni obračun prihoda za pojedini automat.
- (2) Mjesečnu osnovicu za obračun naknade predstavlja zbir rezultata dnevnih obračuna prometa za svaki pojedinačni automat.
- (3) Priređivač igara na automatima dužan je ažurirati podatke o ostvarenom dnevnom prometu na kraju svakog radnog dana i upisati ih u obrazac dnevni obračun prometa za svaki automat.
- (4) Dnevni obračun prometa za svaki automat sadrži sljedeće podatke:
 - a) naziv, sjedište i JIB priređivača,
 - b) poslovnu jedinicu priređivača,
 - c) datum,
 - d) redni broj automata,
 - e) serijski broj automata,
 - f) ukupne uplate (total coin in),
 - g) ukupne isplate (total coin out),
 - h) razliku.
- (5) Popunjene obrasce za svaki automat potpisuju najmanje dva odgovorna lica priređivača.
- (6) Dnevni obračun prometa za svaki automat izrađuje se na obrascu – DOPA koji je sastavni dio Pravilnika (ANEKS XVIII).

Član 59.**(Isticanje posebne oznake u automat klubu)**

- (1) Na vidnom mjestu kod ulaza u automat klub priređivač ističe posebnu oznaku Porezne uprave koja sadrži:
 - a) naziv, sjedište i JIB priređivača,
 - b) poslovnu jedinicu priređivača,
 - c) broj, datum i period trajanja na koji je doneseno rješenje kojim se odobrava priređivanje igara na automatima,
 - d) pečat Porezne uprave,

e) potpis ovlaštenog lica.

- (2) Posebna oznaka za automat klub je veličine A4 formata, na kojoj su podaci iz stava (1) ovoga člana štampani u crnoj boji.
- (3) Izgled posebne oznake za automat klub izrađuje se na obrascu koji je sastavni dio Pravilnika (ANEKS XIX).

Član 60.**(Naljepnica za označavanje automata)**

- (1) Ovlašteno službeno lice Porezne uprave određuje vidno mjesto na automatu koje se označava naljepnicom.
- (2) Ako se pored igara na automatima u automat klubu namjeravaju priređivati i elektronske igre, terminal se označava naljepnicom.
- (3) Izgled naljepnice uređen je u članu 6. Pravilnika.
- (4) Naljepnica sadrži podatke propisane članom 73. Zakona.

POGLAVLJE VII. PRIREĐIVANJE ELEKTRONSKIH IGARA**Član 61.****(Uplatni listić u elektronskim igrama)**

- (1) Uplatni listić za sudjelovanje u elektronskim igrama mora sadržavati sljedeće podatke:
 - a) naziv, sjedište i JIB priređivača,
 - b) poslovnu jedinicu priređivača,
 - c) broj listića koji je hronološki numerisan,
 - d) dan, mjesec, godinu i vrijeme uplate,
 - e) naziv igara,
 - f) iznos uplate,
 - g) iznos eventualne isplate.
- (2) Uplatni listić u elektronskim igrama može se poništiti najkasnije u roku 15 minuta od evidentiranog vremena uplate, pod uslovom da događaj nije počeo.
- (3) Poništeni listić, uz podatke iz stava (1) ovoga člana, mora sadržavati:
 - a) datum i vrijeme, sat i minutu poništenja listića,
 - b) ukupni novčani iznos poništene uplate.
- (4) Uplatni, poništeni i dobitni listić čuvaju se na period od pet godina od dana izvršene uplate, poništenja, odnosno ostvarenog dobitka.
- (5) U slučaju vođenja sudskog postupka, listići iz stava (4) ovoga člana čuvaju se do pravosnažnosti postupka.

Član 62.**(Isticanje posebne oznake za priređivanje elektronskih igara)**

- (1) Na vidnom mjestu kod ulaza u automat klub, odnosno kladionicu gdje se mogu priređivati elektronske igre priređivač ističe posebnu oznaku Porezne uprave koja sadrži:
 - a) naziv, sjedište i JIB priređivača,
 - b) poslovnu jedinicu priređivača,
 - c) broj, datum i period trajanja na koji je doneseno rješenje kojim se odobrava priređivanje elektronskih igara,
 - d) pečat Porezne uprave,
 - e) potpis ovlaštenog lica.
- (2) Posebna oznaka za priređivanje elektronskih igara je veličine A4 formata, na kojoj su podaci iz stava (1) ovoga člana štampani u crnoj boji.
- (3) Izgled posebne oznake za priređivanje elektronskih igara izrađuje se na obrascu koji je sastavni dio pravilnika (ANEKS XX).

Član 63.**(Naljepnica za označavanje terminala kod elektronskih igara)**

- (1) Ovlašteno službeno lice Porezne uprave određuje vidno mjesto na terminalu koje se označava naljepnicom.
- (2) Izgled naljepnice uređen je u članu 6. Pravilnika.
- (3) Naljepnica sadrži podatke propisane članom 81. Zakona.

POGLAVLJE VIII. PRIREĐIVANJE INTERNET IGARA**Član 64.****(Softver priređivača internet igara)**

- (1) Softver priređivača internet igara konstruisan je tako da:
 - a) osigurava snimanje i čuvanje informacija o igračima dobijenih kroz aplikaciju za registraciju,
 - b) igraču nakon registracije dostavlja elektronsku potvrdu o registraciji sa aktivacijskim kodom,
 - c) blokira virtuelni račun igrača kao sistem kontrole transfera novca

- igrača,
- d) osigura da se određena igra na sreću provodi i primjenjuje u skladu s pravilima te igre,
- e) omogućiti, zavisno od karakteristika igre, da ishod odobrene igre zavisi isključivo od slučaja ili nekog neizvjesnog događaja u igri i da osigura tačnost i sinhronizovanost sistemskog vremena, datuma i sata, po UTC („Coordinated Universal Time“) vremenu kojim se osigurava:
- 1) vremensko praćenje svih događaja,
 - 2) referentni sat za izvještavanje,
 - 3) vremensko praćenje svih transakcija,
 - 4) upotreba više sistema mjerenja vremena koja mora biti sinhronizovana,
- f) ispuni zahtjeve sigurnosti povjerljivih podataka i spriječi bilo kakav uticaj na tok odabrane internet igre,
- g) omogućiti snimanje i čuvanje podataka i informacija o odigranim igrama, uključujući:
- 1) vrijeme početka odabrane igre,
 - 2) stanje na računima igrača na početku igre,
 - 3) uplate u odabranim igrama,
 - 4) status odabrane igre koja može biti započeta, završena i drugo,
 - 5) rezultat igre,
 - 6) vrijeme završetka odabrane igre,
 - 7) iznos mogućeg i ostvarenog dobitka,
 - 8) stanje na virtuelnom računima igrača nakon završetka odabrane igre,
- h) osigura snimanje i čuvanje informacija o uplatama i isplata kao što su vrijeme, datum, način i iznos,
- i) osigura snimanje i čuvanje informacija o odigranim igrama kao što su vrijeme i datum, vrsta igre, iznos, povećanje ili smanjenje računa,
- j) omogućiti sistem kontrole, odnosno da ne dozvoljava bilo kakvu izmjenu bilo kog podatka na nalogu igrača, novčanim transakcijama, izvještavanju ili događajima bez nadzora, odnosno u slučaju bilo koje izmjene navedenih podataka, dokumentuje se sljedeće:
- 1) informacije koje su promijenjene,
 - 2) vrijednosti podataka prije izmjene,
 - 3) vrijednosti podataka poslije izmjene,
 - 4) vrijeme i datum promjene,
 - 5) identifikuje se izvršilac promjene.
- k) automatski odbije licu mlađem od 18 godina zahtjev za registraciju radi učestvovanja u internet igrama,
- l) onemogućiti da igrač sa svog virtuelnog računa prebacuje novac na virtuelni račun drugog igrača.
- (2) Softver internet sistema priređivača čija je igra zasnovana na generatoru slučajnih brojeva (RNG) mora osigurati da je slučajni broj nezavisan, da slučajni broj ne može biti predviđen, te da je generator slučajnih brojeva (RNG) ispitan na reprezentativnom uzorku.

Član 65.

(Učestvovanje igrača u internet igrama)

- (1) Način učestvovanja igrača u odobrenim internet igrama priređivač je dužan propisati općim pravilima priređivanja internet igara (u daljnjem tekstu: opća pravila), koja obavezno sadrže:
- a) podatke o nazivu i sjedištu priređivača,
 - b) broj i datum donošenja općih pravila,
 - c) način registracije igrača i postupak otvaranja i zatvaranja virtuelnog računa,
 - d) način primanja uplata za učestvovanje u igri,
 - e) način raspolaganja sredstvima na virtuelnom računima igrača,
 - f) način vršenja isplata dobitaka igraču,
 - g) rok za isplatu dobitaka sa virtuelnog računa igraču,
 - h) odredbe o zabrani primanja uplata za učestvovanje u internet igrama za lice mlađe od 18 godina,
 - i) naziv i opis igre na sreću, odnosno pravila igre,
 - j) promotivni bonus, ako ga priređivač dodjeljuje igraču,
 - k) postupak sprečavanja prevara i pranja novca kroz internet igre,
 - l) nadležnost suda u slučaju spora između učesnika internet igre,
 - m) potpis odgovornog lica i pečat priređivača koji donosi opća pravila.
- (2) Opća pravila priređivač objavljuje na svojoj internet stranici nakon dobijanja odobrenja iz člana 84. Zakona.
- (3) Osim podataka koji se obavezno objavljuju na internet stranici propisanih u članu 5, članu 6. i članu 93. Zakona, priređivač je obavezan da ima istaknuto upozorenje da je licu mlađem od 18 godina zabranjeno učestvovanje u internet igrama.

Član 66.

(Bankovni račun priređivača internet igara)

- (1) Priređivač internet igara dužan je za potrebe uplata i za isplate dobitaka imati otvoren račun u banci u skladu s članom 94. Zakona.

- (2) Novčana sredstva iz stava (1) ovog člana, u svakom trenutku, jednaka su ili veća od zbira svih iznosa koji se nalaze na virtuelnim računima igrača.
- (3) Priređivač ne može raspolagati novcem igrača uplaćenim na ime kredita za igru, osim da odobri račun igrača za uplatu u visini iznosa za koji igrač naznači, radi učestvovanja u toku odobrene igre.

Član 67.

(Virtuelni račun igrača)

- (1) Priređivač je dužan igraču dodijeliti jedinstven virtuelni račun, na kojem se evidentiraju njegova novčana sredstva kojima raspolaže za uplate i koja ostvari kao dobitke u internet igrama.
- (2) Priređivač je dužan za svakog igrača posebno voditi jedinstveni virtuelni račun.
- (3) Račun je jedinstven za svakog igrača i otvara ga priređivač u svom internet sistemu, nakon uspješne registracije igrača.
- (4) Na račun se vodi evidencija o svim transakcijama igrača koja se odnosi na uplate i isplate, bez obzira na način plaćanja.
- (5) Priređivač internet igara dužan je osigurati Poreznoj upravi pristup sljedećim podacima:
- a) korisničko ime registrovanog igrača kome je otvoren jedinstveni virtuelni račun,
 - b) broj jedinstvenog virtuelnog računa,
 - c) uvid u transakcije evidentirane na jedinstvenom virtuelnom računima,
 - d) trenutno stanje ukupnih raspoloživih sredstava igrača na jedinstvenom virtuelnom računima.

Član 68.

(Elektronska transakcija novca)

- (1) Elektronska transakcija novca je svaka pojedinačna uplata i isplata u internet igrama zabilježena, odnosno evidentirana elektronskim putem u okviru računarskog sistema priređivača.
- (2) Elektronska potvrda o uplati je elektronski zapis potvrde o uplati igrača označena identifikacionim brojem igrača, koji se nalazi na računima igrača na internet sistemu priređivača, a čiji ispis priređivač je dužan omogućiti u štampanom obliku.

Član 69.

(Izvjestaj i nadzor elektronskih transakcija novca)

- (1) Svi izvještaji o elektronskim transakcijama novca, evidencije o računima igrača, iskazani u internet sistemu adekvatno odgovaraju finansijskim izvještajima u računovodstvenom sistemu priređivača i obrnuto.
- (2) Priređivač je dužan izraditi dnevne, mjesečne, periodične i godišnje izvještaje o finansijskim transakcijama te obračun i evidenciju svih mjesečnih naknada.
- (3) Priređivač internet igara dužan je omogućiti ovlaštenim službenicima Porezne uprave, u svrhu nadzora, pristup virtuelnom računima igrača u svakom trenutku i pristup svim dnevnim, mjesečnim i godišnjim izvještajima o elektronskim transakcijama iz stava (2) ovog člana.
- (4) Podaci o svim transakcijama na računima priređivača iz stava (2) ovog člana, koji uključuju novčana sredstva obavezno se čuvaju na rezervnim kopijama i mogu se koristiti u slučaju kvara na sistemu i za potrebe Porezne uprave.
- (5) Kopije svih relevantnih podataka i elektronskih transakcija priređivač je dužan čuvati najmanje pet godina od dana izvršene transakcije.

Član 70.

(Uplata i isplata u internet igrama)

- (1) Uplata i isplata u internet igrama vrši se u skladu s članom 94. i članom 95. Zakona.
- (2) Uplata i isplata iz stava (1) ovog člana mora biti vidljiva priređivaču, igraču i Poreznoj upravi trenutno nakon uplate, odnosno isplate.

Član 71.

(Kvar na internet sistemu)

- (1) U slučaju da je igra prekinuta usljed kvara na internet sistemu priređivača i sprečava igrača u nastavku igre, priređivač je dužan preduzeti sve neophodne mjere da bi osigurao da njegov internet sistem omogućiti igraču koji učestvuje u igri, da igru nastavi, odnosno da se nakon otklanjanja kvara na internet sistemu omogućiti nastavak učestvovanja igrača u igri od trenutka neposredno prije prekida igre.
- (2) Ako priređivač nakon otklanjanja kvara na internet sistemu ne omogućiti igraču da nastavi s igrom prekinutom usljed kvara na

internet sistemu, priređivač je dužan igrača obavijestiti da je igra prekinuta i u istom trenutku vraća iznos uloga na virtualni račun igrača.

Član 72.
(Odbijanje registracije igrača)

U slučaju da priređivač odbije registraciju igrača, dužan je igraču poslati elektronsku poruku, koja sadrži razloge za odbijanje registracije s obrazloženjem, i to u roku od tri dana od dana podnošenja zahtjeva za registraciju.

Član 73.
(Zaštita uređaja i opreme)

Priređivač je dužan osigurati da prostorija u kojoj se nalaze uređaji i oprema za priređivanje internet igara bude fizički i elektronski zaštićena pouzdanim mehanizmom za sprečavanje neovlaštenog pristupa i štetnog djelovanja okoline.

Član 74.
(Isticanje posebne oznake za priređivanje internet igara)

- (1) Na vidnom mjestu kod ulaza u kasino, automat klub, odnosno kladionicu, gdje se mogu priređivati internet igre priređivač ističe posebnu oznaku Porezne uprave koja sadrži:
 - a) naziv, sjedište i JIB priređivača,
 - b) poslovnu jedinicu priređivača,
 - c) broj, datum i period trajanja na koji je doneseno rješenje kojim se odobrava priređivanje internet igara,
 - d) pečat Porezne uprave,
 - e) potpis ovlaštenog lica.
- (2) Posebna oznaka za priređivanje internet igara je veličine A4 formata, na kojoj su podaci iz stava (1) ovog člana štampani u crnoj boji.
- (3) Izgled posebne oznake za priređivanje internet igara izrađuje se na obrascu koji je sastavni dio Pravilnika (ANEKS XXI).

POGLAVLJE IX. PRIREĐIVANJE TOMBOLE BINGA

Član 75.
(Oprema za priređivanje tombole binga)

- Priređivač je dužan koristiti sljedeću opremu za priređivanje tombole binga:
- a) providni bubanj sa automatskim izbacivanjem loptica za igru,
 - b) elektronski brojač izvučenih loptica za igru sa semaforom,
 - c) elektronsku odnosno ekransku tablu sa svijetlećim brojevima ili računarski sistem za praćenje izvlačenja sa odgovarajućim uređajem za prikazivanje rezultata,
 - d) ozvučenje instalirano u prostoriji u kojoj se priređuje tombola bingo,
 - e) televizijsku kameru sa monitorom.

Član 76.
(Tombolska kartica)

- (1) Tombola bingo se priređuje isključivo putem tombolskih kartica koje ovjerava i evidentira Porezna uprava.
- (2) Ovjerene tombolske kartice Porezna uprava evidentira u bazi podataka po:
 - a) nazivu i sjedištu priređivača,
 - b) vrsti tombolske kartice,
 - c) seriji tombolske kartice,
 - d) količini tombolskih blokova,
 - e) cijeni tombolskog bloka.
- (3) Tombolska kartica glasi na donosioca.
- (4) Cijenu tombolske kartice određuje priređivač.
- (5) Svaka tombolska kartica ima oznaku serije označenu velikim slovima abecede i rednim brojem kartice.
- (6) Serija je raspoređena u blokove, a prodaja tombolskih kartica vrši se po redoslijedu pakovanja u blok, koji igrač ne može proizvoljno birati.
- (7) Priređivač tombole binga prodaje tombolske kartice iz stava (5) i stava (6) ovog člana.
- (8) Tombolska kartica za priređivanje tombole bingo sadrži sljedeće podatke:
 - a) naziv i sjedište priređivača,
 - b) poslovnu jedinicu priređivača,
 - c) serijski broj,
 - d) iznos uplate,
 - e) brojeve od 1 do 90.

- (9) U toku jednog izvlačenja, priređivač tombole binga ne može upotrebljavati tombolske kartice iz više serija.

Član 77.
(Igrač tombole binga)

Igračem tombole binga smatra se imalac neoštećene tombolske kartice koja pripada seriji tombolskih kartica objavljenoj neposredno prije izvlačenja za svaku igru posebno.

Član 78.
(Evidencija priređivača tombole binga)

- (1) Priređivač tombole binga dužan je voditi evidenciju o tombolskim karticama koje je ovjerila Porezna uprava i to po:
 - a) broju tombolske kartice,
 - b) seriji tombolske kartice,
 - c) datumu prodaje,
 - d) količini.
- (2) Priređivač tombole binga dužan je voditi evidenciju o prodatim i neprodatim tombolskim karticama iz stava (1) ovog člana i to po:
 - a) broju tombolske kartice,
 - b) seriji tombolske kartice,
 - c) datumu prodaje,
 - d) količini.
- (3) Priređivač tombole binga dužan je voditi evidenciju o ostvarenom dobitku i to po:
 - a) vrsti,
 - b) vrijednosti.
- (4) Ovjerene, prodate i neprodane tombolske kartice iz stava (1) i stava (2) ovog člana evidentiraju se na obrascu – OPNTK, koji je sastavni dio Pravilnika (ANEKS XXII).
- (5) Obrazac – OPNTK iz stava (4) ovog člana podnosi se uz obrazac MPN mjesečna porezna prijava naknada od priređivanja igara na sreću iz člana 5. stav (2) Pravilnika.

Član 79.
(Isticanje posebne oznake za priređivanje tombole binga)

- (1) Na vidnom mjestu kod ulaza u gdje se priređuje tombola bingo priređivač ističe posebnu oznaku Porezne uprave koja sadrži:
 - a) naziv, sjedište i JIB priređivača,
 - b) poslovnu jedinicu priređivača,
 - c) broj, datum i period trajanja na koji je doneseno rješenje kojim se odobrava priređivanje tombole binga,
 - d) pečat Porezne uprave,
 - e) potpis ovlaštenog lica.
- (2) Posebna oznaka za priređivanje tombole binga je veličine A4 formata, na kojoj su podaci iz stava (1) ovog člana štampani u crnoj boji.
- (3) Izgled posebne oznake za priređivanje tombole binga izrađuje se na obrascu koji je sastavni dio Pravilnika (ANEKS XXIII).

POGLAVLJE X. IGRE BEZ OSTVARIVANJA DOBITAKA U NOVCU

Odjeljak A. Nagradna igra

Član 80.
(Definisanje nagradne igre)

- (1) Nagradnom igrom ne smatra se igra iz člana 104. stava (5) Zakona, kao ni razne vrste takmičenja u kojima se nagrade dijele zavisno od rezultata ili na osnovu odluke ili ocjene stručne komisije.
- (2) Priređivač nagradne igre obavezno izvlači dobitnike svih nagrada, odnosno dužan je nagradni fond u cijelosti podijeliti učesnicima nagradne igre.
- (3) Odredba stava (2) ovog člana primjenjuje se na svako kolo, ako se nagradna igra sastoji od više kola.

Član 81.
(Pravila nagradne igre)

- (1) Pravila nagradne igre sadržavaju:
 - a) naziv i sjedište priređivača nagradne igre,
 - b) broj i datum pravila nagradne igre,
 - c) naziv nagradne igre,
 - d) period trajanja i svrhu priređivanja nagradne igre,
 - e) vrijeme, mjesto i način izvlačenja dobitnika,
 - f) način izvlačenja dobitnika koji mora biti javan i to za nagradne igre u kojima je predviđeno izvlačenje,

- g) nagradni fond,
 h) iskazanu pojedinačnu tržišnu vrijednost svake nagrade iz nagradnog fonda,
 i) uvjete za učestvovanje u nagradnoj igri,
 j) način uspostavljanja govorne ili pisane komunikacije između učesnika i priređivača nagradne igre,
 k) način objavljivanja rezultata, odnosno dobitnika nagrade,
 l) mjesto i rok za podizanje nagrade,
 m) sastav komisije za izvlačenje nagrade koja ne može imati manje od tri člana,
 n) cijenu slanja SMS poruke, za nagradne igre putem SMS poruka,
 o) uslove pod kojim se nagradna igra može prekinuti,
 p) komisiju za izvlačenje dobitnika, koja nadgleda regularnost izvlačenja dobitnika,
 r) nadležnost suda u slučaju spora između priređivača nagradne igre i učesnika u nagradnoj igri.
- (2) Pravila nagradne igre dostavljaju se Poreznoj upravi 30 dana prije namjere organizovanja nagradne igre od određenog perioda.
 (3) Pravilima nagradne igre mora se osigurati ravnopravnost svih učesnika u nagradnoj igri, kao i jednaka mogućnost za osvajanje nagrada nakon ispunjavanja propisanih uslova.
 (4) Pravila nagradne igre ne mogu se mijenjati nakon što je nagradna igra počela.
 (5) Pravilima nagradne igre može se propisati da nagradu osvajaju svi učesnici koji ispune propisane uslove za osvajanje nagrade u slučaju da se pošalje na adresu priređivača nagradne igre propisan broj omota ili ambalaže nekog proizvoda, napravi propisani broj transakcija kod priređivača i sl.
 (6) Priređivač nagradne igre dužan je nakon dobijanja odobrenja za priređivanje nagradne igre od Porezne uprave, a prije početka nagradne igre, objaviti pravila nagradne igre u skladu s članom 104. stav (6) Zakona, uz obavezno navođenje broja i datuma odobrenja.
 (7) Kod prijave za učešće putem poziva ili SMS poruka u svim oblicima elektronskih komunikacijskih mreža, priređivač nagradne igre je dužan osigurati tehničke uslove da poziv, odnosno poruka bude zabilježena i učesnik evidentiran u bazu podataka za izvlačenje dobitnika.

Član 82.

(Zahtjev za priređivanje nagradne igre)

- (1) Priređivač nagradne igre Poreznoj upravi dostavlja zahtjev za dobijanje odobrenja za priređivanje nagradne igre, najkasnije 30 dana prije dana određenog kao početak nagradne igre.
 (2) Uz zahtjev iz stava (1) ovog člana priređivač nagradne igre dužan je priložiti:
 a) rješenje o registraciji iz člana 104. stav (2) Zakona,
 b) pravila nagradne igre u skladu s članom 104. stav (6) Zakona,
 c) dokaz o uplati propisane naknade iz člana 104. stav (10) Zakona,
 d) ugovor sa Telekom operatorom u skladu s članom 104. stav (4) Zakona.
 (3) Porezna uprava rješenjem odobrava priređivanje nagradne igre.

Član 83.

(Komisija za izvlačenje dobitnika)

- (1) Komisija za izvlačenje dobitnika sastoji se od tri člana.
 (2) Komisija iz stava (1) ovog člana nadgleda regularnost izvlačenja dobitnika.
 (3) Komisija iz stava (1) ovog člana vodi zapisnik o toku izvlačenja dobitnika koji mora sadržavati:
 a) mjesto, vrijeme i način izvlačenja dobitnika,
 b) broj i datum rješenja Porezne uprave kojim se odobrava priređivanje nagradne igre,
 c) datum i naziv medija u kojem su pravila nagradne igre objavljena,
 d) ime i prezime članova komisije,
 e) ime, prezime i adresa dobitnika,
 f) naziv i vrijednost nagrade pojedinog dobitnika.

Član 84.

(Nagradni fond)

- (1) Ukupan iznos novčane vrijednosti nagradnog fonda izračunava se na osnovu zbira iskazane tržišne vrijednosti pojedinačnih proizvoda i usluga koje čine nagradni fond, koje su važeće u trenutku podnošenja zahtjeva za izdavanje odobrenja.
 (2) Od utvrđene vrijednosti nagradnog fonda priređivač plaća naknadu u iznosu od 6% (šest posto) na način propisan članom 104. stav (10) Zakona.

Član 85.

(Dobitnik u nagradnoj igri)

- (1) Priređivač je dužan najkasnije u roku od osam dana od dana završetka izvlačenja obavijestiti dobitnika o osvojenoj nagradi.
 (2) Dobitnik može preuzeti nagradu najkasnije u roku od 30 dana od dana prijema pisanog obavještenja o osvojenoj nagradi.
 (3) Ako dobitnik nagrade u roku iz stava (2) ovog člana ne preuzme nagradu, priređivač nagradne igre je dužan dobitnika u roku od osam dana od dana isteka roka iz stava (2) ovog člana ponovo obavijestiti o nagradi, te odrediti naknadni rok za preuzimanje nagrada koji ne može biti duži od osam dana od dana prijema ponovnog obavještenja.
 (4) Ako dobitnik ni u naknadnom roku iz stava (3) ovog člana ne preuzme osvojenu nagradu, gubi pravo na nagradu, a priređivač je dužan postupiti na način propisan članom 104. stav (9) Zakona.

Odjeljak B. Zabavna igra

Član 86.

(Priređivanje zabavne igre)

Zabavna igra se može priređivati na uređaju za zabavnu igru iz člana 105. Zakona, koji se može nalaziti u ugostiteljskom objektu, trgovačkom centru, odnosno benzinskoj pumpi.

Član 87.

(Zahtjev za izdavanje odobrenja za priređivanje zabavne igre)

- (1) Uz zahtjev za izdavanje odobrenja priređivač zabavne igre dužan je priložiti sljedeće dokaze:
 a) da je registrovan kod Osnovnog suda Brčko distrikta Bosne i Hercegovine,
 b) o broju i vrsti uređaja za zabavnu igru koja se stavlja u upotrebu,
 c) da je donio pravila igre,
 d) o mjestu postavljanja svakog pojedinačnog uređaja za zabavnu igru,
 d) da je vlasnik, odnosno korisnik uređaja za zabavnu igru,
 e) da je vlasnik, odnosno korisnik prostora u kojem se postavlja uređaj za zabavnu igru,
 f) deklaraciju proizvođača uređaja za zabavnu igru, s tehničkim opisom i uputom za rukovanje, održavanje i popravak uređaja za zabavnu igru.
 (2) Kod priređivača zabavne igre koji je podnio zahtjev iz stava (1) ovog člana, inspektor sačinjava zapisnik o činjeničnom stanju utvrđenom na licu mjesta.
 (3) Porezna uprava rješenjem odobrava priređivanje zabavne igre na period od jedne godine.

Član 88.

(Pravila za priređivanje zabavne igre)

- (1) Pravila za priređivanje zabavne igre donosi priređivač.
 (2) Pravilima za priređivanje zabavne igre uređuje se priređivanje svake igre pojedinačno.
 (3) Pravila za priređivanje zabavne igre moraju biti trajno istaknuta na vidljivom mjestu i uvijek su dostupna igračima u prostoru u kojem se zabavna igra priređuje.
 (4) Pravila za priređivanje zabavne igre sadrže:
 a) naziv i sjedište priređivača zabavne igre,
 b) naziv, opis i trajanje zabavne igre,
 c) svrhu zabavne igre,
 d) uvjete za sudjelovanje u zabavnoj igri,
 e) jediničnu cijenu za svaku zabavnu igru,
 f) rezultat zabavne igre.
 (5) Pravila za priređivanje zabavne igre ne mogu se mijenjati u toku trajanja zabavne igre, a započeta zabavna igra mora se odigrati prema pravilima koja su vrijedila na početku zabavne igre.

Član 89.

(Stupanje na snagu)

Ovaj pravilnik stupa na snagu osmog dana od dana objavljivanja u „Službenom glasniku Brčko distrikta Bosne i Hercegovine“.

Broj: 02-04.1-789/21

Datum: 19. 10. 2022. godine

V. d. direktora Direkcije
 Janja Geljić, dipl. oec., s. r.